



## **TOSHKENT DAVLAT YURIDIK UNIVERSITETI REKTORINING B U Y R U G ' I**

17.04.2023

232-tm-son

### **Talabalarga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yilning 6-11-aprel kunlari universitet Odob-axloq kodeksi normalari va Ichki tartib qoidalariga amal qilish holati o'rganilganda, Ommaviy huquq fakulteti Davlat-huquqiy faoliyat yo'nalishi 2-kurs talabalari Ashirbekov Jamshidbek Ilxom o'g'li, Norqulov Baxrom Davron o'g'li hamda Ommaviy huquq fakulteti Davlat boshqaruvi yo'nalishi 2-kurs talabalari Eshmuminov Shohruh Botirjon o'g'li va Sabirov Shaxzod Komilovich universitet Odob-axloq kodeksi qoidalarini bilan tanishtirilgan bo'lishlariga qaramasdan universitet binolariga tashqi ko'rinishga va belgilangan etiket qoidalariga zid ravishda sochlari o'sgan, to'zg'igan, soqoli olinmagan va kiyinish talabiga rioya qilmagan holda kelish holati aniqlandi.

Talabalar mazkur harakatlari bilan universitet Odob-axloq kodeksi 16-moddasi birinchi qism sakkizinchi xatboshisida ko'rsatilgan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 16-moddasi birinchi qism sakkizinchi xatboshisi va Toshkent davlat yuridik universiteti Ichki tartib qoidalarini (ichki mehnat tartibi qoidalarini)ning 83-bandiga asosan

### **BUYURAMAN:**

1.Universitet Odob-axloq kodeksi 16-moddasi birinchi qism sakkizinchi xatboshisida ko'rsatilgan qoidalarini buzganligi uchun Ommaviy huquq fakulteti Davlat-huquqiy faoliyat yo'nalishi 2-kurs talabalari Ashirbekov Jamshidbek Ilxom o'g'li, Norqulov Baxrom Davron o'g'li hamda Davlat boshqaruvi yo'nalishi 2-kurs talabalari Eshmuminov Shohruh Botirjon o'g'li va Sabirov Shaxzod Komilovichga

hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

ushbu buyruq bilan fakultet talabalarini tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

